

**KORRIKA.** *Mundu bat euskarara bildu* lelopean abiatu zen Korrika 12a atzo. Antonio Karmona eta Josu Sarriegi Alaveseko jokalariek egin zuten lehen kilometroa, eta Juan Jose Ibarretxe EAEko lehendakariari eman zioten lekukoa

# Mundu bat abiatu da Gasteiztik

Izugarrizko jendetzak, adin guztietako jende andanak, giro alai eta festa apartan parte hartu zuen Korrika 12ren hasieran, Arabako hiriburuko kaleetan



Jende ugariak parte hartu zuen atzo Gasteizen, Korrika 12ren hasieran. Argazkian bi neska lekukoarekin.

I. Petxarroman | GASTEIZ

Ez zen abuztuaren 4a. Ez zen Gasteizko aste nagusiaren hasiera. Baina Andre Mari Zuriaren plaza jendez gainezka ageri zen atzo arratsaldean. *Korrika 12* abiatu aurretik hasi ziren lehen ekitaldiak: txalaparta hotsen eta irrintzi deiekin batera.

Eguzkia ere, azkenik, festaren alde jarri zela ematen zuen. Ez denbora luzerako baina. Gasteizko udaleko gaiteroak ohol-tzara igo bezain laster, zaparrada ederrak busti zituen plazara bilduak ziren milaka lagunak. Inork ez zuen alde egin, ordea. Gaita eta danbor hotsei jarraiki, dantzari eta saltokak hasi baizik.

AEKko Arabako arduradunak

## LEHENENGO EGUNA



**Partaidetza:** Itzela. Milaka eta milaka lagunak parte hartu zuten Arabako hiriburuan Korrikak egindako ibilbidean. **Eguraldia:** Denetarik eman zuen. Giro hotza oro har, baina tartean eguzkiak gozatu zituen bazterrak. Euri zaparradak ere izan ziren. **Giroa:** Ezin hobea. Festa giroan egin zen lasterketa, umore ederrean. **Eguneko protagonista:** Juan Jose Ibarretxe. Hedabideentzat, behintzat, hura izan zen.

*Korrika 12a* hasi aurreko mezua irakurri zuen, euskararen ofizialtasuna eta haren aldeko politikak eskatuz. Ondoren, Xabier Ugalde aurtengo Korrikako arduradunak, lekukoan mezua sartu ondoren, Baionarako bidetara jarri zuen lasterketa Antonio Karmona eta Josu Sarriegi Alaves futbol klubeko jokala-

riek. Zeledon jaisten denean bestekorik ez, baina burrunba nagusitu zen plazan. Berehala, ehunka lagun abiatu ziren korrika. «Ttipi-ttapa, ttipi-ttapa... Korrika», hasi ziren furgonetatik. Euskararen aldeko festarik handien eta parte hartzaileena martxan zen.

Komunikabide guztiak kate-

dral berriaren atarian ziren, bigarren kilometroa Juan Jose Ibarretxe EAEko lehendakariak egin behar baitzuen, EAEko Euskararen Aholku Batzordearen izenean.

Eman zion lekukoa Antonio Karmonak Ibarretxeri, eta argazki zaparrada erori zen lehendakariaren gainean. Zaparrada ez zuten flashek soilik sartu, ordea. Arrautzaren bat ere erori baitzen harengandik gertu-gertu.

Baina prestu eta alai itxurarekin abiatu zen Lehendakaria, korrika ez, baina, oinez. Haren atzean, Eusko Jaurlaritzako eta Aholku Batzordeko hainbat kide: Mari Karmen Garmendia-EAEko Kultura sailburua, Xa-

bier Aizpurua Hizkuntz Politikarako sailburuordea, Erramun Osa AEKko Bizkaiko arduraduna. Halaber, EAJko zenbait kide ere parte hartu zuten bigarren kilometro horretan, esaterako, Maria Jesus Agirre EAJko Gasteizko zinegotziak.

Iñaki Landak, Zeledonek, hartu zuen lekukoa Ibarretxeren eskutik, eta harekin batera, Gasteizko Blusen elkarteak. Baina ez zen gasteiztarren festaren harian, euskararen festaren harian zen, eta hagitx ongi moldatu zen zeregin horretan ere Landa.

Haren atzetik mundu bat, jende ugari, gazteak batez ere. Batzuk pixkanaka-pixkanaka atzera gelditzen hasiak ordura-